

● 對於各學生保助會之意見（續）

盧無氏

吾人在社會上有勢力有資本而所以可貴者。以其能善利用其勢力。運用其資本耳。何以言之。彼無勢力者呼應無靈。縱有經天緯地之才。濟世安民之志。而高談濶論。一籌莫展。偉大事業終不免讓之旁人。其所以至於如是之束手無策者。勢也。若已有勢力。一呼百諾。無論爲是者羣而和之。即至於爲非亦且羣而和之。行動無不自如。今乃能利用其勢力而爲人類謀公益之事。乃最所不可少者。苟無熱心則已。若有熱心。吾知無不唾手立就者。彼無資本者。支應乏術。縱有愛羣愛種之心。旋乾轉坤之念。亦不過徒具理想而無術可施。雖有博愛心腸。亦毫無所補。其所以至於此者。一可爲者貧也。若已有資本。左宜右有。無論用之於有益者。無不如意。即至用之於無益者。亦無不如意。措手正自容易。今乃能運用其資本而爲國民謀教育之事。乃最所當爲者。苟無婆心則已。若有婆心。吾知無不如願相償者。噫。有勢力有資本。而能善利用。善運用如此。其可歡迎可頂祝爲何如也。

吾固嘗見有勢力者矣。有資本者矣。或則妄用勢力。盤結黨羽。以便營狡兔窟。或則聚人財力。以建生祠。築生墳。以表示其爲崇高富貴。初不知社會已認爲蟄賊同類之人。則冰山一倒。便爲人所唾罵。所報復。有肉未及寒而生祠已鞠爲茂草。生墳已夷爲牧場。覆轍當前。因人人所共覩也。或則妄用資本。窮奢極欲。無所不爲。買笑一揮千金。樗蒲一擲百萬。以表示其爲豪奢任放。初不知金錢乃難聚易散之物。阿賭物一盡。便至於流而爲無賴。爲乞丐。有棺未及蓋。而家門已見其凋殘。子孫已見其離散。前車不遠。固人人所皆見也。

今之有勢力者。有資本者。乃能大聲疾呼。爲社會計前途。爲人羣謀利益。此乃一義舉也。一盛事也。吾願國民贊助以成其美。協力以防其弊。庶使有勢力者有資本者。謀一善事而能如願相償。不至有所失敗。貽笑於世。而令後之有勢力者有資本者。裹足而莫敢前也。

夫利用其勢力。以爲人羣謀利益。運用資本。以爲社會計前途。此種義舉。此種盛事。有真心誠意。提倡實行。於國家進化前程。大有希望。無論其提倡之出於何人。主張之出於何派。吾國民宜贊成之。協助之。使之有美滿之結果。所謂集其財。協其力。供其智。獻其勇。均爲國家謀。爲種族計也。

非然者。徒以黨派權利之私。彼此畛域之見。以其事之非出於己。權之非握於我。便伸口議論。捏造謠言。以破壞之。詆毀之。冀其事之不成。以利用爲自己個人虛名計。小利計。此種低劣手段。鄙猥行爲。乃宵小者之所業耳。曾謂有學識有思想有愛羣愛國心者所忍爲哉。

雖然。天下事往往利一興而弊隨之。義一舉而利隨之。以衆人之力成之。而不足以一人之力敗之。而有餘。吾輩言論家。上下千古。長慮却顧。往往作杞人之憂。所以一聞其有益於社會之事。便持_{重審}贊成之。聞其有害於人羣之事。便鳴鼓而攻之。是非非青天白日。毫無有容私意於其間者。吾亦願熱心公益者。篤志力行。總期正大光明的義舉。實現於世間。勿以一二之反對而却足。不前。亦勿以一二之贊成而輕心以掉也。非然者。則是無真心無毅力。無確實的主張。無活動的手段。其事之敗可立而俟。縱使不敗。其成效亦無甚足稱也。此吾所以有所深望於提倡者之有真心。有毅力。庶使結果美滿。有大裨益於人羣於社會也。

余更有進者。我國教育現狀缺點甚多。一爲學校方面。當道以財政支绌爲辭。每年教育費支出頗屬少數。故學校之建立稀若晨星。除北圻有各種高校及中學數校外。其他各地方最爲稀少。而中圻爲尤甚。故教育之普及。我國民無從有此希望。此吾人不可不細爲留心者一也。一爲學生方面。今日之教育。學生每年所需之旁費不少。而我國素爲貧國。求其能支持以養子弟求學者。爲最難問題。况又要梯航遠旅他方。然後始有學校以求學。幾何不至困難而中止者乎。此吾不可不細爲留心者二也。

夫學校少則不足以容求學之子弟。我民貧又無術以充求學之資。教育前途尙堪設想乎。今我國民自上而下。羣倡保助之說。設立各種保助會。以爲國家教育前途謀。此種義舉。此種盛況。國民所深贊成之者也。

夫有勢力者妄用之。以作無益之事。何如用之以救沉淪失學之子弟。有資本者妄用之。以充無益之費。何如運用之。以助流離失學之青年。今能皆爲國民謀。教育前途當有一種曙光照耀於吾人眉自前之一日。可喜爲何如也。

唯聞現日之所提倡者。均爲少數遊法求學子弟謀。殊未有聞留心於在國內求學之子弟者。夫以我國學校如此其少。學資如此其艱。苟無保助之心。則已。若已有保助之心。竟可恝然置之乎。余願各保助會。以公心公德。善自主張。集得巨款。初則補助少數學生遊學於法。繼則補助各地方使之添築公校或私校。以廣子弟求學之路。又補助鄉村貧家子弟。以充求學之資。學校之立既多。子弟之得學者衆。則無一處無學校。無一人不得受教育。教育之普及。自然可望實現於目前矣。於

此鄉村之間。有不肯許子弟從學。或子弟貧乏而親屬不肯補助。使之得蒙教育之澤者。則又用強迫手段以強迫之。子弟不學。則其父兄有罰。子弟不得學。則凡親屬中皆有罰。其強迫制度。蓋先責成其父兄親屬。先行設法使子弟得有教育。父兄親屬皆無力。然後保助會始支學費以給之。不然則以我國面積如此之廣。人口如此之衆。而欲以三數保助會之力。而盡補助之。吾知難乎其難耳。故非先用強迫手段不可也。文明各強國之教育制度。亦均用此種強迫制度。然後教育始發達矣。余又願提倡者竭其誠。盡其力。如何而可以收服全國之人心。如何而可以擴會之勢力。庶得有巨款金錢。可以如意活動。而甲處已有真正的保助會成效。乙處必效法而行之。丙處已有真正的保助會成效。丁處必效法而行之。如此則處處皆有保助機關。人人皆得有保助希望。教育前途之聲勢。自然浩大無窮。而因同此保助目的。同此真正辦事。彼此又可聯合而成一最大團體。最大機關。建無數之學校。以容求學子弟。聘無數之外國教員。以擔任教導之責。我子弟可不必梯山航海。遊於泰西。而國內文明教育機關。自無不備矣。

夫此種偉大現象。若由各提倡者之熱心之義氣。使之得現於我國民目前。吾知不出十年。我國教育之進步。文化之興旺。當難限量。安知不數十年後。提倡保助者之各熱心家。其可崇可拜之銅像。不巍巍然傑立於各學校之前乎。快矣哉。吾心目中。若已有此種現象顯現於前。不知各提倡者果能以熱心以毅力。為我國民造得真的此種現象。以顯現於全國民之目前否也。余且就余心目中所欲崇拜之銅像。馨香為現在提倡保助者祝之。

▲西山朝政令攷（續）

◎諭舊朝文武詔

詔舊朝文班武班等欽知朕三駕北城。以覆載包涵爲量。顧虞亡秦伯。隋佞唐忠。初不以興亡成敗之故。專咎卿等。始而相率來歸。中而共效奔走。終而爲臣爲讎。反復不常。情屬可惡。朕至城之日。置之度外。不忍加咎。經已僂諭。詔開更生之路。再三懇切。顧乃徘徊觀望。終焉固遯。豈非僥倖援兵。再至左右。輕重姑待。完局耶。不首陽而夷齊。不海島而田橫。不惟成敗勝負之機。已不能瞭。而是非得失之理。且不能明。此豈忠義明哲之所爲哉。是以震一時之怒。律以不臣。籍其家資。且將殺爾之身。以昭常典。夫卿以風疴之昧誤。不許自新。恐妨普育。並生之德。况檻車屈辱。非無王佐之才。洗馬舊讎。終有諫臣之美。朕愛人才。一念遽不能忘。特赦爾等之罪。凡所拘檻者。並許放解。逃遯勿可追拿。以昭寬德。夫以一人之身。以天下比一人。不寧方來。此乃知機達變之謂。當以時立功業。效殷士之膚敏。庶可保身名。享富貴。豈不美哉。若迷終凶。噬臍何及。勉之。勉之。欽哉特詔。

★配屬內地降兵詔

詔內地從征士卒各名人等欽知。夫師也者。毒天下之民。戰勝克伐。兩兵相向。逢敵則殺。武之善。經獲而捨之。古未有也。朕應天順人。乘時革命。以兵定天下。爾總督孫士毅。斗筲之才。章縫之技。不知用兵之要。無故用兵出關。二十九萬踰山越嶺。深入重地。驅爾等無辜之民。使之橫羅兵革。皆爾總督之罪也。朕戒麾一指。蟻聚掃清。爾等一敗塗地。死傷者以萬計。其現在陣前擒獲。與勢迫投降。理宜案軍憲律。封刃行誅。以爲跳梁者戒。惟以體上帝好生之德。涵育蓋容。饒爾性命。合詔攷下。發配

各奇隊充補軍伍。支給糧餉使爾等免於桎梏之苦。敵愾從戎爲爪牙之用。王者視四海爲一家。朕推心置人腹中。爾等體此勿可疑惑。釋其懷土之念。以答再造之恩。欽哉特詔。

★立學詔

詔天下官員百姓等欽知。建國以教學爲先。求治以人才爲急。曩者四方多警。學政不修。科法浸隳。人才愈乏。夫一治一亂循環之理。繼亂之後。尤當興起振作。立教化設科舉。乃轉亂爲治大規模。朕蓄定方初。雅意崇儒。留心好士。欲得實才以爲國家之用。合詔放下。所在各社民宜設立社學。擇社中儒士有學行者。置爲社講諭。教習本社士人。其各府祠宇聽本地分民認待。擇差府訓導官。置爲教習學府之所。仍期以今年開鄉試科。取鄉秀才優等升充國學。次等送補府學。其舊朝鄉貢未有職任者。並詣闕朝候。送補訓導知縣等職。舊儒生生徒並待試期入試。優者入選。劣者罷歸社學。其三貫生徒一切勒還民項。與民同受徭役。嗣後各社所置講諭。聽呈納縣官類簿。仍轉遞朝堂官給憑。俾知策勵。這關一初大典。合當磨礪作志。精白承休。同登寬裕之途。共贊清明之治。布告遐邇。使感聞知。

▲勸農詔

詔天下官員民庶等欽知。王者之政。敦本抑末。惟康功田功。然後國無遊民。野無曠土。自經亂以來。兵火頻仍。加以饑饉。人口流移。田疇荒廢。丁田實效不及向時之四五。朕應受命。四海廓清。今大定伊始。勸課繁息之政。所當次第舉行。夫頑漂隱富。習俗之常。防民之道。莫若復流移墾荒閑。使遊手遊食之民。轉而綠南畝。其從前某民僑寓地方。逃避徭役。或因妻鄉母貫。或因商賈作業。除附籍二

代以上其餘一切回本貫別社不得容住。其官田私田業經荒廢並聽回認耕作不得委置流荒使實墾者控受征稅所在色目社村長照見丁實在干率見田實墾干畝與荒廢始墾干畝勒限九月旬類簿納在該縣分率分知等官轉遞待欽差官勘實酌量平補若某社容住客戶不有驅回本貫及逃回的人送巡不回或見知人訴告簾查得實其伊社色目社村長與逃人並以處論某社荒田經限不有認墾其官田責據伊社員色戶項照原田稅額倍徵私田入官稅額與官田同這係道民務本一初之政令出惟行咨爾臣民各宜仰體德意復爾閭邑力爾田疇毋遊惰以妨生毋逃隱以取戾阜成之樂朕方與百姓同之勉各凜遵勿可違越。

文苑

▲西山朝名流詩叢(續)

●星槎紀行

夜渡赤壁江口

●和錢吳翰林使回

沙渚綿延荻葦疎擢歌乘月思忙如曹孫戰地
寒烟裡荆楚江闊盛潦餘白浪浮空風帆勁紅
燈隔岸水亭虛坡仙遊後將誰讀孤艇前灘見
夜漁。

★武昌驛次附國書寄吳兵部

萬里馳驅始半程髮花種種帶愁生晴川閣外

▲河南道中

坦蕩郊原掛曙霞車轔駟阜闈行歌郵程樹蔭

▲美里演易處

惟蒼柳農野塵飄總白沙民習大都崇簡樸地
輿端的近平和古今名教敷中土豈必繁曠耀
物花。
(又)豫州風物甲中原訪古興懷一倚轅河五
百年空比笑山三萬歲忽能言歷朝都邑高低

隴列國郊墟遠近村更擬江南歸掉路斯遊勝
覽遍乾坤。

◎畫錦堂故址

相州奇骨建奇勳炳耀前修久在聞畫錦晚饒
閒興致垂紳先著大功勤龐臣韙業光千古達
士嘉祥應五雲魏國遺踪徵誌記登堂莊誦宋
朝文。

★先考生時感作

壯懷慷慨飲黃龍鐵甲兜鍪嘯咤空香頂迎師
忻父老金碑奉詔泣英雄君王久已愚和字花
夏誰非惜戰功烈憤猶遺弓劍地一庭松栢晚
號風。

◎殷太師比干之墓

不堪顛倒視衰商耿耿孤忠貫日光狂遜更誰

憂故國規箴何敢負時王仁人心竅非戕虐方

伯戎衣且晦藏六七聖賢遺跡杳隴頭隆碣凜

風霜。

▲遣悶

征轡迢迢客思孤雁書三度到家無應酬未了。

文。章。債。涉。履。猶。多。利。害。染。海。國。鳳。麟。誰。惜。識。壯。
間。牛。馬。任。稱。呼。莫。言。涯。角。少。知。已。接。得。中。朝。士。
大。夫。

●過燕京

祥雲縹渺帝王居。拱帶山河壯地輿。上國繁花
都會處。熙朝聲教肇。培餘龍蟠虎踞瞻城墅。馬
聚車馳畏簡書。綺麗街塵堪玩目。乾清宮闕樂
何如。

○長城卽事

連山雉蝶碧岩峽。塞上披通路一條。延袤誰云
資萬世。際蟠今已屬熙朝。雲梯板引南關峻石
徑。繁紅北幕遙。企望皇莊天咫尺。層層岩嶠達
征塵。

○古北口夜行

絕塞征途駕遠駟。溪泉淅瀝石嶙峋。熱河瞻仰
天顏近。寒嶺躋攀月魄新。但慰壯遊窮宇宙。寧
知勞勸歷風塵。秋宵漏永車聲驟。忙度蒼林間
紫宸。

★昭君墓

秦城嶺畔挹秋風。聞道明妃塋隴中。毳帳縱然
憐薄命。香奩何似老深宮。長留青草旌春色。肯
費黃金買畫工。荒漠已非胡漢土。一杯猶得占
芳叢。

▲恭和御詩

塞上恭瞻玉輶巡。傾葵一念効尊親。波澄桂海
遵侯度日暖。莫階見聖人。萬里梯航歸有極。九
天雨露沐同仁。乾行景仰無疆壽。普率胥陶帝
世春。

○奉抄御詩

瀛藩入祝值辰巡。初見渾如舊識親。伊古未聞
來。象國勝朝往事鄙。金人九經柔遠祇。重驛嘉
會於今勉體仁。武偃文修順天道。大清祚永萬
千春。

△奉御詩題扇恭和進覽

觀轡追陪幸邇依。天恩稠疊古來稀。宸居親覩
四知屋。朝服榮叨三品衣。遭際奇緣咸手舞。恭

虔素悃不顏。違南山。歷祝聖人壽。億載鴻圖永。受璣。

◎奉抄御詩

丹誠萬里近瞻依。惇史全無寧渠稀。不肯有更頒鳳詔却欣無意乞鶯衣。清涼取適嘉應允典禮如常慎莫違。詎曰一家覃父子。海邦奕業永禎襪。

◎奉特賜遍觀皇莊邃殿恭紀

闔闔雲開萬象光。操觚遠价達趨翔。道原昭晰四知屋。慶址穹隆五代堂。石畔松筠含古意。天中奎璧爛宸章。遍瞻丹禁深嚴處。衣帶籠回寶鴨香。

◎奉穿戴天朝冠服惕然感懷

聖心覆冒視如。朝服焜華品在三。邃陛觀光頻荷眷。清宵顧影獨懷慚。幸將文字塵。隆鑒驚受冠。紳沐渥。覃夢境。不知身幾變。且憑天寵耀。耕南。

◎東朝鮮國使

居邦分界海東南。遠向明堂駕服驂。文獻夙知吾道在藩封。全仰聖恩覃。略同前古衣冠制。最重連朝指掌談。贈答擬追馮李舊交情。何啻飲醇甘。

△附錄徐判書和詩

何處青山是日南。深陽秋雨共停驂。使花夙昔修鄰好。聲教如今荷遠草。法宴終朝聆雅樂。高情未暇付清談。新詩讀罷饒風味。頓覺中懷似蜜甘。

★朝鮮徐判書和送卽席再柬

客况迢迢出嶺南。薰風無意送征驂。友聲豈爲三韓隔。文脉從知四海覃。執玉位同王會列鄰香。情在御筵談萍蓬。遇晤非容易。珍誦來章道殊甘。

越史名人烈女吟曲序

(吟曲錄登在
本冊國語份)

石室阮文理

歷史者名人烈女之攝影片也。名人烈女者歷史之光明線也。中華史若張留侯。若諸葛武侯。若郭汾陽。若岳武穆。若蔡文姬。若蘇小妹。歐美史若拿破崙。若花盛頓。若安夫人。若羅蘭夫人。是皆表人物也。讀外國史者猶且馨香崇拜。况於我越祖國之歷史之名人之烈女。可敬可愛。可歌可頌。可懸爲明鑑。可奉爲芳型。可不表而揚之傳而彰之乎。桂海炎邦。四千年之鐘毓龍父仙母。數十世之流傳。載在簡編。曷勝更僕。然而舉其大略以見詳。演成國音而易曉。以播之報館。以登之學堂。以公之我越之兄弟之姊妹。其爲益也。不既多乎。橘亭膺君侯集越史名人烈女吟曲。甫就稿出以示僕。且徵言燃藜稍暇。盥薈披閱。集內英雄英雌無慮三十人。芳名不朽。節烈如存。或如春風之溫。或如秋風之肅。或聞其風而頑廉惰立。或仰其風而山高水長。斯非我越人之明鑑芳型也乎。斯非我越人之所當敬愛歌頌也乎。斯又非我越人之最當馨香崇拜也乎。集首冠以綱常。集終結以倫理。夫綱常倫理者名人烈女之攝影片也。歷史之光明線也。橘亭膺君侯賢王孫林下人。山水之外。惟以著述爲好。是集如有缺者。當更續而成之。

▲世界時事

★日本國喪

日本大正天皇於西十二月二十五日升遐。皇太子裕仁親王卽位。紀元昭和。卽日是爲昭和元年。昭和蓋取天下太平君臣一致之義。先天皇於西曆一千九百十一年卽位。在位凡十六年。歐洲大戰當時天皇善維持大局。以保東亞之和平。而日本國勢亦日以興旺。故崩逝之日。舉國哀悼。新皇

今年二十四歲。爲太子時曾游歷歐洲大陸。備受列強歡迎。回國後攝政凡五年。今登大寶。日本臣民頤頤望治云。

△ 中華南方政府北遷

中華廣東國民軍政府成立以來。政治日臻完善。地方秩序井然有條。蔣介石被舉爲北伐總司令。所向克捷。勢如破竹。長江一帶已入勢力範圍。現以廣東偏在南邊。諸多不便。已將各重要機關北遷於漢口。舉孫科、陳友仁等九人爲委員。擬自西二月一日以後。改武昌漢口漢陽三地爲武漢。以此爲南軍政府首都。組織中央政府。北伐軍總司令蔣介石以下政府之重要人物。現相率聚集於漢陽。開重要會議。故漢陽之現在南軍。更比武昌爲重要根據地。漢陽城內活氣橫溢。據頃英國政府委員關於中國時局在議會說明如下。英國政府據所接報道。知廣東軍結局席捲全華。收北京於手中。以國民軍樹中央政府。其時黨內之危險份子當必至却俄國之援助。英國之與新中華結友誼的關係。非必爲不可能者。故在華英國人不反抗廣東軍與各派之關係亦圓滑。此推論之理由。蓋廣東軍有國民主義的思想。其思想與其國民之意氣合。目下之戰爭。惟擁護彼等自己之地位。欲達成自己目的。乃反對派諸將之所爲耳。非爲根本的者。英國政府隨將來時代之進展。與北方政府一樣。承認南方政府。殊非所吝。又云彼國民軍之成功。雖因俄國之援助。財政與供給武器彈藥。及俄國士官之後援。然一旦全國平定。俄國於中國之勢力。當見其衰退也。